

# ENDOSSEMENT SL2501 eff 2025-12

Die onderstaande wysigings, wat op **1 Desember 2025** in werking tree, is in die **Stellar Lewenstyl polis** ingesluit:

## Afdeling: Algemeen

### 4. Algemene Bepalings en Voorwaardes

**Die Voorkoming van verlies of skade klousule is in twee verdeel, en lees nou soos volg:**

Bewoording van toepassing voor 1 Desember 2025

#### Voorkoming van verlies of skade

##### Voorkoming / vermindering van verlies of skade

- A) Jy moet, te alle tye, redelike sorg aan die dag lê, sowel as die nodige en tydige stappe neem om verlies, skade, besering, siekte of aanspreeklikheid te voorkom of te verminder.
- B) Hierdie verpligting sluit in, maar is nie daartoe beperk nie, dat jy moet voldoen aan enige wetgewing en regulasies wat op die risiko's onder hierdie polis van toepassing is of beïnvloed, ongeag of hierdie wette van krag is ten tyde van die uitreiking van hierdie polis of eers daarna van krag word. Indien jy versuim om aan enige sodanige wetgewing of regulasies te voldoen, sal ons geregtig daarop wees om enige eis af te keur, indien sodanige versuim 'n materiële effek op die eis het.
- C) Ons sal nie aanspreeklik wees vir enige eis of verlies of skade wat ontstaan uit omstandighede waar daar growwe nalatigheid aan jou kant is nie.

Bewoording van toepassing vanaf 1 Desember 2025

#### Voorkoming van verlies of skade

##### Voorkoming / vermindering van verlies of skade

- A) Jy moet, te alle tye, redelike sorg aan die dag lê, sowel as die nodige en tydige stappe neem om verlies, skade, besering, siekte of aanspreeklikheid te voorkom of te verminder.
- B) Ons sal nie aanspreeklik wees vir enige eis of verlies of skade wat voortspruit uit enige doelbewuste, bewuste of opsetlike verontagsaming deur jou of jou werknemers van die noodsaaklikheid om alle redelike stappe te neem om 'n eis te voorkom nie.
- C) Ons sal nie aanspreeklik wees vir enige eis of verlies of skade wat ontstaan uit omstandighede waar daar growwe nalatigheid aan jou kant is nie.

#### Voldoening aan wetgewing en regulasies

##### Voldoening aan wetgewing en regulasies

- A) Jy waarborg dat jy, voor die plaasvind van enige verlies of skade, voldoen aan enige wetgewing en regulasies wat op die risiko's onder hierdie polis van toepassing is of beïnvloed, ongeag of hierdie wette van krag is ten tyde van die uitreiking van hierdie polis of eers daarna van krag word.
- B) Indien jy versuim om aan enige sodanige wetgewing of regulasies te voldoen, hetsy jy van sodanige versuim bewus is aldan nie, sal ons geregtig daarop wees om enige eis af te keur, indien sodanige versuim 'n materiële effek op die eis het.

### 5. Algemene Uitsluitings

#### Sanksies

**Hierdie uitsluiting is soos volg gewysig:** (alle wysigings is in vetdruk uitgelig):

##### Sanksies

Ons sal nie geag wees om dekking te verskaf en sal nie aanspreeklik wees om enige eis te betaal of om enige voordeel ingevolge hierdie polis te bied indien die voorsiening van sodanige dekking, betaling van sodanige eis of voorsiening van sodanige voordeel ons sal blootstel aan enige sanksie, verbod of beperking onder Verenigde Nasies resolusies, of die handels of ekonomiese sanksies, wette of regulasies van die Europese Unie, Verenigde Koninkryk of Verenigde State van Amerika nie (**onderhewig daaraan diit nie bestaande EU regulasies en/of Duitse reg oortree nie**).

## Stellar Lewenstyl nie-motor afdelings

### Afdeling S01: Huiseienaars

#### S1.5 Huiseienaars Uitbreidings

##### Verlies van water deur lekkasie

**Hierdie uitbreiding is gewysig om nou lekkasie-opsporing in te sluit.**

Die uitbreiding lees nou soos volg: (alle wysigings is in vetdruk uitgelig)

##### Verlies van water deur lekkasie

- A) Ons sal jou vergoed vir:
- die koste van water wat uit lekkende pype in die gebou(e) en op die perseel verloor is, onderhewig daaraan dat jy verantwoordelik is om hierdie kostes te betaal en op voorwaarde dat:
    - die waterlesing die gemiddeld van die voorafgaande 4 (vier) lesings met ten minste 50% (vyftig persent) oorskry;
    - sodra jy van die lekkasie bewus raak, jy onmiddellik stappe neem om die pype op jou onkoste te herstel;
  - die koste om enige water lekkasies op die versekerde perseel op te spoor.**
- B) Die dekking is beperk tot die bedrag genoteer in Aanhangsel B.
- C) Nieteenstaande die bogenoemde, sal ons jou nie vergoed vir water wat verloor is van:
- lekkende krane, geisers of toilette;
  - swembaddens of lekkasies in hulle inlaat- of uitlaatpype;
  - lekkasies wat voorkom wanneer die gebou(e) vir meer as 30 (dertig) opeenvolgende dae onbewoon is nie.

##### Kragstuwing

**Hierdie uitbreiding is gewysig om kragstuwing dekking tot die versekerde waarde van die betrokke woning wat in die skedule genoteer is, in te sluit.**

Die uitbreiding lees nou soos volg: (alle wysigings is in vetdruk uitgelig)

##### Kragstuwing

- A) Ons sal jou vergoed vir verlies of skade aan vaste elektriese toebehore van enige versekerde geboue **direk** veroorsaak deur kragstuwing.
- B) Dekking is beperk tot die **versekerde bedrag van die betrokke versekerde gebou, soos genoteer in die skedule.**

##### Insakking en grondverskuiwing – beperkte dekking

**Hierdie uitbreiding word gewysig en beperk nie voortaan skade tot sodanig dat dit deur vloeiende oppervlakwater veroorsaak moet word nie.**

Die uitbreiding lees nou soos volg:

##### Insakking en grondverskuiwing – beperkte dekking

- A) Ons dek vernietiging van of skade aan die gebou(e) veroorsaak deur insakking en grondverskuiwing as gevolg van of veroorsaak deur 'n versekerde gevaar soos uiteengesit ingevolge D1.4.1 Versekerde gebeurtenisse.
- B) Hierdie uitbreiding dek nie die volgende nie:
- vernietiging van of skade aan soliede vloerpanele of enige ander deel van die gebou(e) as gevolg van die beweging van sulke panele, tensy die fundamente wat die buitemure van die gebou(e) ondersteun gesamentlik en op dieselfde wyse beskadig word;
  - vernietiging van of skade aan septiese- of opgaartenks, riole, waterlope, grensmure, tuinmure, keermure, terrasse, hekke, hekpale of heinings, tensy spesifiek as 'n aparte item in die skedule verseker en hierdie uitbreiding as ingesluit aangedui word;
  - skade veroorsaak deur of te wyte aan foutiewe ontwerp, materiale of vakmanskap of die verwydering of verswakking van die strukture of fondasies of stut van enige gebou wat op die versekerde perseel geleë is;
  - skade veroorsaak deur of te wyte aan werksmense wat besig is met toevoegings, ombouings of herstel van die gebou(e) op die versekerde perseel;

- e) skade veroorsaak deur of te wyte aan uitgrawings, hetsy bogronds of ondergronds, buiten uitgrawings wat verband hou met mynbedrywighede;
  - f) daaropvolgende verlies van enige aard, behalwe Verlies van Huurgeld indien spesifiek onder hierdie afdeling verseker;
  - g) skade aan skermure, opritte, plaveisel, swembaddens, tennisbane, sauna en spa-kamers / baddens of patio's;
  - h) skade veroorsaak deur of te wyte aan kontraksie / inkrimping en / of uitsit van grond veroorsaak deur vog / klamheid of voginhoud van sodanige grond soos ondervind in klei or ander soortgelyke grond;
  - i) skade veroorsaak deur of te wyte aan onvoldoende kompaksie van invul;
  - j) skade veroorsaak deur erosie langs riviere of kuslyne;
  - k) skade veroorsaak deur normale vassakking, inkrimping of uitsetting van die gebou(e).
  - l) werk benodig om verdere verlies of skade as gevolg van insakking, opheffing of grondverskuiwing te verhoed, behalwe waar toepaslike ontwerp-voorsorgmaatreëls tydens die oorspronklike oprigting van die gebou(e), en enige daaropvolgende aanbouings, ingestel is.
- C) In enige hofaksie of ander verrigtinge waar ons aanvoer dat, ingevolge die voorsienings onder hierdie uitsluitings, enige skade nie deur die versekering gedek is nie, sal die onus op jou rus om die teendeel te bewys.

### S1.6 Huiseienaars Opsionele Uitbreidings

#### Insakking en grondverskuiwing – uitgebreide dekking

**Hierdie uitbreiding is gewysig om met die wysigings onder 1.5 hierbo te belyn. Opwelling is nie meer ingesluit nie.**

Die uitbreiding lees nou soos volg:

#### **Insakking en grondverskuiwing – uitgebreide dekking**

- A) Ons dek vernietiging van of skade aan die gebou(e) veroorsaak deur insakking en grondverskuiwing.
- B) Hierdie uitbreiding dek nie die volgende nie:
- a) vernietiging van of skade aan soliede vloerpanele of enige ander deel van die gebou(e) as gevolg van die beweging van sulke panele, tensy die fundamente wat die buitemure van die gebou(e) ondersteun gesamentlik en op dieselfde wyse beskadig word;
  - b) vernietiging van of skade aan septiese- of opgaartenks, riole, waterlope, grensmure, tuinmure, keermure, terrasse, hekke, hekpale of heinings, tensy spesifiek as 'n aparte item in die skedule verseker en hierdie uitbreiding as ingesluit aangedui word;
  - c) skade veroorsaak deur of te wyte aan foutiewe ontwerp, materiale of vakmanskap of die verwydering of verswakking van die strukture of fondasies of stut van enige gebou wat op die versekerde perseel geleë is;
  - d) skade veroorsaak deur of te wyte aan werksmense wat besig is met toevoegings, verbouings of herstel van die gebou(e) op die versekerde perseel;
  - e) skade veroorsaak deur of te wyte aan uitgrawings, hetsy bogronds of ondergronds, buiten uitgrawings wat verband hou met mynbedrywighede;
  - f) daaropvolgende verlies van enige aard, behalwe Verlies van Huurgeld indien spesifiek onder hierdie afdeling verseker;
  - g) skade veroorsaak deur of te wyte aan kontraksie / inkrimping en / of uitsit van grond veroorsaak deur vog / klamheid of voginhoud van sodanige grond soos ondervind in klei or ander soortgelyke grond;
  - h) skade veroorsaak deur of te wyte aan onvoldoende kompaksie van invul;
  - i) skade veroorsaak deur normale vassakking, inkrimping of uitsetting van die gebou(e).
  - j) werk benodig om verdere verlies of skade as gevolg van insakking, opheffing of grondverskuiwing te verhoed, behalwe waar toepaslike ontwerp-voorsorgmaatreëls tydens die oorspronklike oprigting van die gebou(e), en enige daaropvolgende aanbouings, ingestel is.
- C) In enige hofaksie of ander verrigtinge waar ons aanvoer dat, ingevolge die voorsienings onder hierdie uitsluitings, enige skade nie deur die versekering gedek is nie, sal die onus op jou rus om die teendeel te bewys.

## Afdeling S02: Huisbewoners

### S2.5 Huisbewoners Uitbreidings

#### Voedsel

Die uitbreiding is gewysig om:

- verkoelde medikasie in te sluit;
- op te klaar dat ons nie verslegting van voedsel vanweë die uitprop van 'n verkoelingseenheid, dek nie;
- op te klaar dat ons nie medikasie ná die betrokke vervaldatum, dek nie;
- die opsie om die verhoging van die vergoedingsperk teen bykomende premie in te sluit.

Die uitbreiding lees nou soos volg: (alle wysigings is in vetdruk uitgelig)

#### Voedsel en medikasie

- A) Ons sal jou vergoed vir verlies weens die verslegting van voedsel **en medikasie** terwyl dit in enige yskas of vrieskas is en veroorsaak deur toevallige onderbreking van die kragtoevoer (gas en paraffien ingesluit) of deur die onklaarraking van die verkoelingseenheid.
- B) Ons dek nie verslegting van voedsel **en medikasie** veroorsaak deur die volgende nie:
- a) onderbreking in jou kragtoevoer deur wanbetaling van jou elektrisiteitsrekening of jou versuim om voorafbetaalde krag (insluitend brandstof, gas en paraffien) te koop;
  - b) beurtkrag of faling van die elektrisiteitsnetwerk, soos gedefinieer ingevolge Algemene Uitsluiting 5.9 B) of
  - c) die verstelling van die temperatuurbeheer, **uitprop van die verkoelingseenheid of afskakeling van die verkoelingseenheid of muurprop** deur enige persoon; of
  - d) **verliese wat plaasvind ná die verstryking van die vervaldatum wat op die verpakking van sodanige medikasie aangedui is.**
- C) Dekking is beperk tot die bedrag genoteer in Aanhangsel B, of sodanige hoër bedrag genoteer in die skedule en waarvoor bykomende premie betaal is.

#### Meganiese en elektriese onklaarraking

Die uitbreiding is gewysig om nie meer dekking te beperk tot items wat onklaar raak binne 5 jaar van die verstryking van die vervaardiger se waarborg nie.

Die uitbreiding lees nou soos volg:

#### Meganiese en elektriese onklaarraking

- A) Nieteenstaande die beperkings van Algemene Uitsluiting 1.6 A) i), sal ons jou vergoed vir skade aan jou huishoudelike toestelle (buiten stofsuiers, haardroërs en kraggereedskap) terwyl in die gebou(e) of op die perseel, wat veroorsaak is deur meganiese of elektriese onklaarraking.
- B) Dekking is beperk tot die bedrag genoteer in Aanhangsel B of sodanige hoër perk genoteer in die skedule en waarvoor bykomende premie betaal is.
- C) Ons sal nie aanspreeklik wees vir verlies of skade gedek deur 'n vervaardiger se waarborg, koop-ooreenkomst of dienskontrak nie.

#### Kragstuwing

Hierdie uitbreiding is gewysig om kragstuwing dekking tot die versekerde waarde van die inhoud wat in die skedule genoteer is, in te sluit.

Die uitbreiding lees nou soos volg: (alle wysigings is in vetdruk uitgelig)

#### Kragstuwing

- A) Ons sal jou vergoed vir verlies of skade aan die versekerde inhoud van die geboue **direk** veroorsaak deur kragstuwing.
- B) Dekking is beperk tot die **versekerde bedrag van die betrokke inhoud, soos genoteer in die skedule.**



## Afdeling S03: Persoonlike alle risiko's

### S3.3 Persoonlike alle risiko's Dekking

#### Omskrewe gebeurtenisse

Hierdie klousule is gewysig om nou voorsiening te maak dat die versekerde eiendom die versekerde vir langer as 6 opeenvolgende maande buite Suid-Afrika kan wees.

Die klousule lees nou soos volg: (alle wysigings is in vetdruk uitgelig)

#### Ongespesifiseerde items

##### Ongespesifiseerde items

- A) Jy is gedek vir toevallige verlies van of skade aan jou versekerde eiendom, terwyl dit in die Republiek van Suid-Afrika is, of wat jou tydelik vergesel na enige ander plek in die wêreld gedurende tydelike besoeke **onderhewig daaraan dat die versekerde eiendom onder jou toesig en beheer ten tyde van die verlies of skade is.**
- B) Dekking ingevolge hierdie afdeling is beperk tot:
- die bedrae en persentasies wat in die skedule genoteer is; of
  - die nuwe vervangingswaarde van die items wat beskadig of verlore is; of
  - die bedrae en persentasies wat in Aanhangsel B genoteer is; watter ookal die laagste is.

### S3.4 Persoonlike alle risiko's Uitbreidings

#### Afstandbeheer-blokkering

Hierdie uitbreidings is soos volg gewysig:

- die uitbreiding sluit nou dekking tot die volle vervangingswaarde van die item in, onderhewig aan die voorwaarde dat beeldmateriaal van die diefstal beskikbaar is.
- in die afwesigheid van sodanige vereiste beeldmateriaal, odie vergoeding tot R5 000 per item gewysig.
- ons tref voortaan geen onderskeid tussen gespesifiseerde en ongespesifiseerde items onder hierdie uitbreiding nie.

Die uitbreiding lees nou soos volg: (alle wysigings is in vetdruk uitgelig)

##### Afstandbeheerblokkering

- A) Ons sal jou vergoed vir die verlies van eiendom as gevolg van diefstal uit 'n onbewaakte voertuig **sonder sigbare tekens van kragdadige en gewelddadige ingang**, mits:
- die items ten tyde van die diefstal gestoor is in 'n geslote katebak en gevolglik ten volle versteek, of versteek is in 'n ingeslote kompartement wat deel uitmaak van die voertuig;
  - die voertuig se vensters toe was en** jy gepoog het om die voertuig te sluit voor die diefstal; en
  - die gebeurtenis aan die polisie gerapporteer is en die saaknommer aan ons verskaf is in die eisvorm.
- B) Die vergoeding is beperk tot die **vervangingswaarde van die gesteelde item(s), mits jy beeldmateriaal van die gebeurtenis verskaf. In die afwesigheid van sodanige beeldmateriaal**, sal vergoeding beperk wees tot die bedrag genoteer in Aanhangsel B.

### S3.7 Persoonlike alle risiko's Uitsluitings

#### Sporttoerusting in gebruik

Hierdie uitsluiting is verwyder.

## Stellar Lewenstyl Motor afdeling

### Afdeling MS01: Motor

#### MS1.4 Motor Uitbreidings

**Kwytskelding van die bybetaling indien ouer as 55 jaar**

Hierdie uitbreiding is gewysig om nou ook die basiese bybetaling met betrekking tot diefstal- en kapingseise kwyts te skeld. (Let asb dat die bykomende R2 500 bybetaling steeds sal geld indien geen vroeë-waarskuwings satelietopspringstelsel geïnstalleer is nie)

Die uitbreiding lees nou soos volg:

**Kwytskelding van die bybetaling as jy ouer as 55 jaar is**

- A) Die basiese eerste bedrag betaalbaar ten opsigte van voertuie omskryf onder **Voertuig-kategorie A**, word hiermee geskrap, onderhewig daaraan dat die voertuig ten tyde van die voorval in die sorg, toesig en beheer van 'n persoon is wat minstens **55 (vyf-en-vyftig) jaar** oud is.
- B) Hierdie kwytskelding sluit **Uitbreiding MS1.4.6 Windskerm / Glas** in.

#### MS1.5 Motor Opsionele Uitbreidings

**Motorhuur**

**Klousule C) van hierdie uitbreiding is gewysig om uit dit duidelik te maak dat die motorhuur voordeel sal eindig sodra die herstelde voertuig gereed is om afgehaal te word.**

Klousule C) lees nou soos volg: (alle wysigings is in vetdruk uitgelig)

- C) Die gehuurde motor sal verskaf word vir 'n periode wat nie die aantal opeenvolgende dae, wat deur jou gekies en in die skedule genoteer is (30, 60 of 90 dae), oorskry nie, en die periode waarvoor die voertuig verskaf word sal eindig op die dag wat:
  - a) **die herstel van jou voertuig voltooi is en die voertuig vir kollektering aan jou beskikbaar gestel word;** of
  - b) ons ons aanspreeklikheid vir die algehele verlies van die voertuig ontslaan, watter ookal eerste plaasvind.

(Nota: indien motorhuur geselekteer is sonder dat daar 'n periode in die skedule genoteer is, dan sal 'n voordeel van 30 (dertig) opeenvolgende dae van toepassing wees.)

**Afkoop van die basiese bybetaling**

**Hierdie opsionele uitbreiding is gewysig om nou ook die opsie te bied om die bybetaling op sleepwaens en karavane wat vir privaatgebruik verseker is, af te koop.**

Die opsionele uitbreiding lees nou soos volg: (alle wysigings is in vetdruk uitgelig)

**Afkoop van die basiese bybetaling**

- A) Onderhewig daaraan dat hierdie opsionele uitbreiding vir die betrokke voertuig **wat in die skedule genoteer is**, geselekteer is, word die basiese eerste bedrag betaalbaar van voertuie omskryf in die betrokke voertuigkategorieë hieronder, geskrap:
  - a) Voertuigkategorie A (sedan en LAW);
  - b) Voertuigkategorie D (motorfietse); en
  - c) Voertuigkategorie E (sleepwaens en karavane) – slegs privaatgebruik;**
- B) Hierdie dekking sluit Uitbreidings MS1.4.2 Verlies of skade aan slotte en sleutels en MS1.4.6 Windskerm / glas in.

## Aanhangsel B: Perke

| Afdeling S01: Huiseienaars                                                                                                              | Voor 1 Desember 2025                                                                          | Vanaf 1 Desember 2025                                                                            |
|-----------------------------------------------------------------------------------------------------------------------------------------|-----------------------------------------------------------------------------------------------|--------------------------------------------------------------------------------------------------|
| <b>S1.5 Huiseienaars uitbreidings</b>                                                                                                   |                                                                                               |                                                                                                  |
| S1.5.2 Toevallige skade aan geboue                                                                                                      | R50 000 per eis                                                                               | <b>R100 000</b> per eis                                                                          |
| S1.5.3 Toevallige skade aan tuine                                                                                                       | R50 000 per eis                                                                               | <b>R100 000</b> per eis                                                                          |
| S1.5.11 Verlies van water deur lekkasie <ul style="list-style-type: none"> <li>Verlies van water</li> <li>Lekkasie opsporing</li> </ul> | <ul style="list-style-type: none"> <li>R25 000 per eis</li> <li>nvt – geen dekking</li> </ul> | <ul style="list-style-type: none"> <li>R25 000 per eis</li> <li><b>R3 500 per eis</b></li> </ul> |
| S1.5.12 Ape en bobbejane                                                                                                                | R10 000 per eis                                                                               | <b>R50 000</b> per eis                                                                           |
| S1.5.13 Kragstuwing                                                                                                                     | R50 000 per eis                                                                               | <b>gebou versekerde waarde</b>                                                                   |

| Afdeling S02: Huisbewoners                                                                                     | Voor 1 Desember 2025                                                                                | Vanaf 1 Desember 2025                                                                                   |
|----------------------------------------------------------------------------------------------------------------|-----------------------------------------------------------------------------------------------------|---------------------------------------------------------------------------------------------------------|
| <b>S2.5 Huisbewoners uitbreidings</b>                                                                          |                                                                                                     |                                                                                                         |
| S2.5.2 Toevallige skade aan inhoud                                                                             | R20 000 per eis                                                                                     | <b>R50 000</b> per eis                                                                                  |
| S2.5.8 Voedsel en medikasie <ul style="list-style-type: none"> <li>a) Voedsel</li> <li>b) Medikasie</li> </ul> | <ul style="list-style-type: none"> <li>a) R25 000 per eis</li> <li>b) nvt – geen dekking</li> </ul> | <ul style="list-style-type: none"> <li>a) R25 000 per eis</li> <li>b) <b>R10 000 per eis</b></li> </ul> |
| S2.5.15 Ape en bobbejane                                                                                       | R10 000 per eis                                                                                     | <b>R50 000</b> per eis                                                                                  |
| S2.5.16 Kragstuwing                                                                                            | R50 000 per eis                                                                                     | <b>inhoud versekerde waarde</b>                                                                         |

| Afdeling S03: Persoonlike alle risiko's                                                                                                                                                                                                                                                                                | Voor 1 Desember 2025                                                                                                                                                                      | Vanaf 1 Desember 2025                                                                                                                                                                                                              |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------|
| <b>S3.3 Persoonlike alle risiko's Dekking</b>                                                                                                                                                                                                                                                                          |                                                                                                                                                                                           |                                                                                                                                                                                                                                    |
| S3.3.1 Ongespesifiseerde items <ul style="list-style-type: none"> <li>Versekerde eiendom (uitgesluit items hieronder gelys)</li> <li>Mobiele elektroniese toerusting (insluitend skootrekenaars, tablette en sellulêre telefone)</li> </ul>                                                                            | <ul style="list-style-type: none"> <li>maksimum van 20% van de primêre woning se versekerde waarde onder die Huisbewoners afdeling</li> <li>R100 000 per eis</li> </ul>                   | <ul style="list-style-type: none"> <li>maksimum van <b>50%</b> van de primêre woning se versekerde waarde onder die Huisbewoners afdeling</li> <li><b>beperk tot geselekteerde ongespesifiseerde alle risiko's perk</b></li> </ul> |
| <b>S3.4 Persoonlike alle risiko's Uitbreidings</b>                                                                                                                                                                                                                                                                     |                                                                                                                                                                                           |                                                                                                                                                                                                                                    |
| S3.4.1 Kruideniersware en huishoudelike goedere                                                                                                                                                                                                                                                                        | R10 000 per eis                                                                                                                                                                           | <b>R20 000</b> per eis                                                                                                                                                                                                             |
| S3.4.3 Afstandbeheerblokkering<br>Ongespesifiseerde items: <ul style="list-style-type: none"> <li>a) beeldmateriaal beskikbaar</li> <li>b) geen beeldmateriaal nie</li> </ul> Gespesifiseerde items <ul style="list-style-type: none"> <li>c) beeldmateriaal beskikbaar</li> <li>d) geen beeldmateriaal nie</li> </ul> | <ul style="list-style-type: none"> <li>a) R10 000 per eis</li> <li>b) R5 000 per eis</li> <li>c) R20 000 per gespesifiseerde item</li> <li>d) R10 000 per gespesifiseerde item</li> </ul> | <ul style="list-style-type: none"> <li>a) <b>vervangingswaarde</b></li> <li>b) <b>R5 000 per item</b></li> <li>c) <b>nou in a) hierbo ingesluit</b></li> <li>d) <b>nou in b) hierbo ingesluit</b></li> </ul>                       |
| Diefstal van items nie in 'n ingeslote kompartement versteek nie                                                                                                                                                                                                                                                       | R10 000 per eis                                                                                                                                                                           | R10 000 per eis                                                                                                                                                                                                                    |

| Afdeling MS01: Motor                                | Voor 1 Desember 2025 | Vanaf 1 Desember 2025                                                    |
|-----------------------------------------------------|----------------------|--------------------------------------------------------------------------|
| MS1.4 Motor Uitbreidings                            |                      |                                                                          |
| MS1.4.2 Verlies van of skade aan slotte en sleutels | R20 000 per eis      | <ul style="list-style-type: none"> <li><b>R50 000</b> per eis</li> </ul> |